АЖРИМ

(даъво аризасини кўрмасдан қолдириш тўгрисида)

Навоий шахри

2025 йил 5 март

Кармана туманлараро иқтисодий суди судья Х.Саъдуллаев раислигида, судья ёрдамчиси М.Жамилов котиблигида Ўзбекистон Савдо-саноат палатаси Навоий вилояти худудий бошқармасининг даъвогар "Dynamic Electronics" МЧЖ манфаатида жавобгар "Амирхон Охунжон" фермер хўжалигидан 147.831.618 сўм асосий қарз ва 73.915.809 сўм пеня ундириш тўгрисидаги даъво аризаси бўйича ишни даъвогар вакили Ш.Усмонов (ишончномага асосан) иштирокида суд биносида бўлиб ўтган очиқ суд мажлисида кўриб чиқиб, қуйидагиларни

АНИКЛАДИ:

Ўзбекистон Савдо-саноат палатаси Навоий вилояти худудий бошқармаси даъвогар "Dynamic Electronics" МЧЖ (бундан буён даъвогар деб юритилади) манфаатида судга даъво аризаси билан мурожаат қилиб, жавобгар "Амирхон Охунжон" фермер хужалигидан (бундан буён жавобгар деб юритилади) 147.831.618 сум асосий қарз ва 73.915.809 сум пеня ундиришни сураган.

Суд мажлисида иштирок этган даъвогар вакили даъво талабини қўллаб-қувватлаб, суддан уларни қаноатлантиришни сўради.

Суд мажлиси ўтказилиш жойи ва вақти тўгрисида тегишли тартибда хабардор килинган Ўзбекистон Савдо-саноат палатаси Навоий вилояти худудий бошқармаси ва жавобгар суд муҳокамасида ўз вакили иштирокини таъминламади.

Шунга кўра, суд Ўзбекистон Республикаси Иқтисодий процессуал кодексининг (бундан буён ИПК деб юритилади) 128, 170-моддаларига асосан ишни уларнинг иштирокисиз кўриб, ҳал ҳилишни лозим деб топди.

Суд ишдаги мавжуд хужжатларини ўрганиб, қуйидаги асосларга кўра даъво аризасини кўрмасдан қолдиришни лозим топди.

Даъво аризаси суднинг 2025 йил 21 февралдаги ажрими билан иш юритишга қабул қилиниб, иқтисодий иш қўзғатилган ва иш бўйича биринчи суд мажлиси 2025 йил 5 март куни соат 11:30 да суд биносида бўладиган очиқ суд мажлиси муҳокамасида кўриб чиқиш учун тайинланган.

Бироқ, Кармана туманлараро иқтисодий судининг 2025 йил 7 январдаги ажрими билан жавобгарга нисбатан тўловга қобилиятсизлик тўгрисида 4-2101-2503/42-сонли иш кўзғатилган.

Шунингдек, мазкур тўловга қобилиятсизлик тўғрисидаги ишни кўриб чикиш натижаси бўйича суднинг 2025 йил 21 январдаги ҳал қилув қарори билан жавобгар "AMIRXON OXUNJON" ФХ банкрот деб топилган ва тугатишга доир иш юритиш бошланган.

ИПК 107-моддасининг 9-бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради.

ИПК 118-моддасининг биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

Баён қилинганларга асосан суд ушбу ҳолатда даъво аризасини кўрмасдан қолдиришни лозим деб топди.

Юқоридагилардан келиб чиқиб, ИПКнинг 107, 195-196-моддаларини қўллаб, суд

АЖРИМ КИЛДИ:

Даъво аризаси курмасдан қолдирилсин.

Даъвогар "Dynamic Electronics" МЧЖдан республика бюджетига 4.434.949 сўм давлат божи ундирилсин ва даъвогар томонидан олдиндан тўланган почта харажатлари ўзининг зиммасида қолдирилсин.

Мазкур ажрим устидан қонунчиликда белгиланган тартибда ва муддатларда шикоят қилиниши (протест келтирилиши) мумкин.

Судья Х.Саъдуллаев

